

# Txirritola

ARAMAIO / Barikua / 2003ko martxoaren 28a / 59. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxe: 943 71 23 89 • Posta elektronikoa: txirritola@goiena.com • Lege gordailua: SS.1084/02


## Martxoari dagokion osoko bilkura egin zuen udalbatzarrak eguaztenean

UBANE MADERA

Eguaztenean osoko bilkura egin zuen udalbatzarrak. Besteak beste, kontu-hartzaile berriaren gaia, 36ko gerran fusilatutakoen gaineko mozioa, zenbait dirulaguntza eskatzea eta sahararrak Aramaiora ekartzeko proposamena aztertu zituen.

Kontu-hartzaile berria hartzeko prozedura bukatu dela-eta, kontu-hartzailea izendatu zutela jakinarazi zioten udalbatzarrari. Eman-dako informazioaren arabera, 40 lagunaren artean aukeratu dute, eta datorren apirilean hasiko da lanean, gaur egun dagoen kontu-hartzailearekin batera. Hilabete egingo du horrela, eta maiatzetik aurrera hura bakarrik geratuko da.

Horrez gainera, 1936ko kolpe militarrean fusilatutako herritarren aitortza eta ordain moralaren alde izenburua duen mozioa aurkeztu zuten. Besteak beste, hilketan horien bidegabekeria aitortzen du mozioak; belaualdi berriei gertatutakoaren berri emateko eskatzen du; fusilatutakoen omenez egin gura duten monolitoari



TXIRRITOLA

Abere-ustiapenekin lotutako etxebizitzak eraikitzeko baldintzen ordenantza eztabaidatu zuen udalbatzarrak.

onespena ematen dio; baita ekainaren 8an Arrasaten egin gura duten omenaldiari ere; gorpuk berreskuratzeko babesa eskain-

tzen du; Elizak eta botere judizialak heriotzen benetako zergatia aitortzea eskatzen du; eta guztioen alde egingo diren ekimenak

Udalak diruz laguntzea.

### SAHARARRAK EKARTZEKO

Bestalde, udan sahararrak Euskal

*1936an fusilatutako herritarren aitortza eta ordain moralaren aldeko mozioa landu zuten*

Herrira ekartzeko ekimena abiaraziko dutela jakinarazi zioten udalbatzarrari. Hala, ekimen horren barruan, Aramaiora ekartzeko aukera dago, gura duen errendako. Hortaz, osoko bilkura proposamena onartzen badu eta norbaitek interesa badu, udal-txera jo beharko du. Era berean, abere-ustiapenekin lotutako etxebizitzak eraikitzeko baldintzen ordenantza eztabaidatu zuten. Aramaioko Udalak Debagoieneko Mankomunitatearekin batera Lurralde Zatik Planari aurkeztutako dizkion alegazioen berri eman zuten. Eta zenbait dirulaguntza eskatzea aztertu zuten.

Edozelan ere, albiste hau idaztean batzarra egin barik zegoenez, ez dakigu zer onartu duten zinegotziek.

## Ikaspilotaren laugarren aldia egin zuten barikuan Legutianon

San Martin Eskolako bosgarren eta seigarren mailako ikasleak Legutianon egon ziren joan den barikuan. Ikastolen Federazioak abiarazitako Ikaspilota ekimenean parte hartu zuten, laugarren urtez.

Ekimen horren izenak esaten duen moduan, pilotaren eza-gutza bultzatzea da helburua.

### PARTIDU ETA GUZTI

Pilotaren gaineko txokoetan ibili ziren umeak. Guztira sei txoko izan zituzten: esku-pilota, zesta-punta, pala... Guztiak probatzeko aukera izan zuten San Martin Eskolakoek, Legutianoko eta Izarrako eskoletako ikasleekin batera. Hala adierazi digu Alex Zubiak,

San Martin Eskolako gimnasiako irakasleak.

Ikaspilotaren ekimena amaitzeko, hainbat pilotari ezagunek partidua jokatu zuten, umeek ikus zezaten. Imanol Agirrek eta Compak Edu Baltategiren eta Mikel Rafaelen kontra jokatu zuten, 18 tantora. Agirre eta Compak izan ziren nagusi: 18-16. Umeek kinitela egin zuten, bikote bien artean zein nagusitu. Eta kinitela asmatu zutenei oparitxo eman zieten.

Alex Zubiaren esanetan, umeak oso gustura eta oso pozik ibili ziren Ikaspilotan.

Ikaspilotaren ekimena txandaka egiten dute: Legutianon baten, Izarran hurrengo eta, jaki-

na, baita Aramaion ere.

### BERTSOGINTZAN

Horrez gainera, arratsaldean bertsolaritza izan zen nagusi Legutianoko kultura etxean. Euskara bultzatzeko Nolega izeneko egitasmoaren barruan, bertsotan ibili ziren gaztetxoak. Izan ere, Nolegaren bitartez, ikasturte barruan bertsolaritza lantzen dabilta San Martin Eskolakoak, Manex Agirrerren laguntzarekin. Legutianokoek gauza bera egiten dute Oihane Perea bertsolariarekin.

Horrela, barikuan, bi eskoletako ikasleak bertsoak kantatzen ibili ziren; nork bere ikastetxean egindako ekintzak besteari erakusteko.



SAN MARTIN ESKOLA

Bertsotan eta pilotan ibili ziren ikasleak barikuan Legutianon.

**TELEFONO JAKINGARRIAK**

**OSASUNA / LARRIALDIAK**

Osasun etxea (txandak) .....	945 44 53 40
Botika .....	945 44 50 03
Udaletxea .....	945 44 50 16
Ertzaintza (Amasate) .....	943 79 71 99
Gurutze Gorria (Legutio) .....	945 45 52 52
San Martin Eskola .....	945 44 50 04
Taxia eta autobusak .....	945 44 50 33
Udal kiroldegia .....	945 44 53 35
Postetxea .....	945 44 50 83
Zuiako Eskualdea .....	945 43 01 67
Suhiltzaileak (Zubillaga) .....	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

**OHARRA:** izartxoaren duten orduetan eskaeraren arabera zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara: 629 54 59 23

**OHARRAK**

**ARETO FUTBOLA**

Askotariko emaitzak ditugu oraingo astean. Gazte mailakoek 4-6 galdu zuten Oriamendiren kontra; kadete mailako mutilek, berriz, 16-0 irabazi zioten Jesus Obrerori; eta neskek, azkenik, 5-5 egin zuten Atletiko Santa Mariaren kontra. Bihar, zapatua, honako partidua ditzute: gazteek Aramaion jokatu dute, 10:45ean, El Pilar Marianistaren kontra; kadeteek CD Aurreraren kontra jokatu dute, Gasteizko Europa kiroldegian, 11:00etan; neskek ere Gasteizen dute hitzordua, Ekialderen kontra, 10:30ean, Ekialde kiroldegian.

**ZINEMA**

*Asterix y Obelix, misión Cleopatra* emango dute.

**PALETA TXAPELKETA**

Zapatuko partiduen ostean, Pérez-Urra bikotea finalerako sailkatu zen eta Garaíta eta Flores 35-14 gailendu zitzairen Arriolabengoa I.ari eta Azurmendiri; hortaz, hirugarren partidua jokatu beharko dute, zein sailkatzeko. Partidua bihar da, 09:00etan.

# San Martin Eskolakoek Arragan ospatu dute aurten Zuhaitz Eguna

TXIRRITOLA

**Kurtzetan barik, Arragan sartu dituzte zuhaitzak aurtengo Zuhaitz Egunean. Guztira 40-50 zuhaitz sartu zituzten Arangioko magalean; hain justu ere, pagoak, haginak eta urkiak landatu zituzten eguazten goizean San Martin Eskolako neska-mutikoek.**



GORIKA ETXABE

Goizean goiz autobusean sartu eta Arragako txabolarako bidea hartu zuten San Martin Eskolako hirugarren mailatik gorako ikasleek; eta han, Jon Ugarte mendi ingeniariaren gidaritzapean, 40-50 zuhaitz sartu zituzten: pagoak, haginak eta urkiak, hain zuzen ere. Horrela ospatu dute aurtengo Zuhaitz Eguna; eta, besteak beste, basoak biziberritzeak duen garrantzia ikasi dute.

Horrez gainera, arratsaldean birziklapenarekin lotutako lan-tegiak izan zituzten ikasleek.

Esan beharra dago azken bi urteotan 60 hektarea baso berri-tu duela Udalak Aramaioko mendietan.

Pagoak, haginak eta urkiak sartu zituzten Arangioko magalean.

**GERRAREN KONTRA**

Bestalde, eskolatik alde egin barik, esan beharra dago martitzenean

bat egin zutela Irakeko eraso gaitzesteko deituta zegoen ordubete-ko geldidunarekin. Horrekin bate-

ra, ikasleek erasoarekin lotutako marrazkiak egin eta eskolako horretan ipini zituzten.

**BOTEPRONTOAN/ Zuriñe Zabala Urtaran · Zuiako Koadrilako teknikaria**

## “Gaur egungo helburu nagusia da kultura eta kirol programak auzoetara gerturatzea”

**G**opegiraino joan gara orain-go astean, Zuriñerekin berba egitera. Orain dela 10 urte ezkerro Zuiako Koadrilako kide da, eta kulturarekin eta kirolarekin lotutako ekimenekin arduratzen da. Hori dela eta, eguazten-ero Aramaioa etortzen da. Baina, horrez gain, Zigoitian, Urkabustaizen eta Arratzu-Ubarrundian ere ibiltzen da. Izatez Larrasketakoa da Zuriñe, nahiz eta gaur egun Bitorianon bizi den:

**Zehatz-mehatz zein da zure lana?**

Kultura eta kirol jardueraz arduratzen naiz, hiru mailatan: koadrila mailako programa (emakumeen topaketak, umeen Euskararen Eguna...); udalerritan egiteko programa (dirulaguntzak lortzeko eskaerak, gizarte gaiak...); eta elkarteekin lan egiteko programa (suspertze-ko; batez ere, aholkularitza lanak betetzen ditut...).

**Udalerrietako programan, Aramaion zer egiten duzue?**

Aspalditik gabiltza musika irakaskuntza bultzatzen. Aramaioar batzuk Arrasate Musikalera joaten dira eta beste batzuk hemen daude, trikitia... ikasten. Ikasten dabilzanendako dirulaguntzak lortzen ditugu. Zuhaitz Eguna antolatzen laguntzen dugu, San Martin



Eguna, Erretiratuen Eguna... Udalak antolatzen ditu, eta nik lagundu egiten diet, teknikari gisa. Eta bestelako gauzetan ere ibiltzen naiz: Vital Kutzarekin folklore festibala antolatzen... Baita kultura etxeko teknikariekin lankidetzan ere: Gabonetan, Aratusteetan... Eta elkarteekin harreman handia dut: hirugarren adinekoekin, Oletako elkartearekin... Are gehiago, Oletara bertara joaten naiz behar dutenean. Eta auzoei laguntza emateko gertu nago. **Koadrilaren gainean, zeintzuk dira ezaugarri nagusiak?** Zazpi udalerririk osatzen dute: Duranak, Ibarrek, Izarrak, Gopegik, Legutianok, Murgiak eta Aramaiok. Oso eremu handia da, baina ez da Arabako handiena. Ni hasi nintzen sasoiari hasi ziren zerbitzuak ematen: bake epaitegia, aholku-

laritza juridikoa eta ekonomikoa. Egun, horiez gain, gerentea, artxibozaina, arkitektoa, aparejadorea, administraria eta turismoa eta enplegua bultzatzeko teknikaria ere badaude. Guztiak koadrilako herrietara joaten dira, beharra dagoenean. Koadrilaren egoitza Murgian dago, Zuian. Koadrilak batzorde bat du, udalerrri bakoitzeko ordezkariekin osatuta. Urtean osoko bilkura bi egiten dituzte. **Zeintzuk dira kompetentziak?** Zuzen-zuzenean koadrilako herrietako zaborra batzea (Aramaion eta Duranan kenduta) eta elurra errepideetatik kentzea. Bestela, nik bezala, teknikari lanak egiten ditugu. **Zure lana dela-eta, hemengo eskaeren berri izango duzu?** Orain arte azpiegiturak eta kultura bultzatzea falta zen. Aramaion asko hobetu dute bietan; orain pribilegiatua da. Kirol arloan igerilekuak eskatzen dabilta... Eta auzotarrak Ibarra etortzeko arazoak daude: ez dago garraiorik... **Zeintzuk dira gaur egungo helburu nagusiak?** Batez ere, kultura edo kirol programak auzoetara gerturatzea, Ibarra geratu barik. Eta egun zehatzetan barik, hilero zerbait egin garako nuke.

*“Kultura eta kirol jardueraz arduratzen naiz, teknikari lanak egiten ditut”*

*“Egungo helburu nagusia kultura eta kirol programak auzoetara gerturatzea da”*